

前漢書
(中)

中華書局印行

九子曰君臣斥絕不和箕爲教客后妃之府曰口舌

火犯守角則有戰房心王者惡之

南宮朱鳥權衡孟康曰權衡太微爲衡也衡太微三光之廷筐

衛十二星藩臣西將東相南四星執法中端門左右

掖門掖門內六星諸侯其內五星五帝坐後聚十五

星曰哀鳥郎位旁一大星將位也月五星順入軌道

司其出所守天子所誅也其逆入若不軌道以所犯

名之中坐成形晉灼曰中坐犯帝坐皆羣下不從謀

也金火尤甚廷藩西有隨星四名曰少微士大夫權

軒轅黃龍體孟康曰形前大星女主象旁小星御者

後宮屬月五星守犯者如衡占東井爲水事火入之

一星居其左右天子且以火爲敗東井西曲星曰戌

北北河南南河兩河天闕間爲關梁輿鬼鬼祠事中

白者爲質晉灼曰與鬼五星火守南北河兵起穀不

登故德成衡觀成潢晉灼曰日觀月五星不軌道也帝

車金傷成戌晉灼曰成形於成禍成井晉灼曰水事火入一星

火居其旁晉灼曰天占曰大星有與鬼柳爲

鳥喙主木草七星頸爲員宮主急事張嘯爲廚主觴

客翼爲羽翽主遠客軫爲車主風其旁有一小星曰

長沙星星不欲明明與四星等若五星入軫中兵大

起軫南衆星曰天庫庫有五車車星角若益衆及不

具亡處車馬

西宮咸池曰天五潢五潢五帝車舍火入旱金兵水

水中有三柱柱不具兵起奎曰封豨爲溝瀆婁爲聚

衆胃爲天倉其南衆星曰倉積晉灼曰倉積爲倉也昂曰旄

頭胡星也爲白衣會畢曰畢車爲邊兵主弋獵其大

星旁小星爲附耳附耳搖動有讒亂臣在側昂畢間

爲天街其陰陰國陽陽國孟康曰陰陽國在參宿上參宿上

國參爲白虎三星直者是爲衡石孟康曰衡石在參宿上

也似無下有三星銳曰罰孟康曰罰在參宿上三星小邪列無

也鏡形爲斬文事其外四星左右肩股也小三星隅置

曰觜觿爲虎首主葆旅事如淳曰觜觿在參宿上其南有四星曰

旅今之鐵民采旅也天矢矢黃則吉青白黑凶其西

天厠天厠下一星曰天矢矢黃則吉青白黑凶其西

有句曲九星三處羅列一曰天旗二曰天苑三曰九

旂其東有大星曰狼狼角變色多盜賊下有四星曰

孤直狼比地有大星曰南極老人晉灼曰老人見

治安不見兵起常以秋分時候之南郊

北宮玄武虛危危爲蓋屋宋均曰危上似蓋屋也虛爲

哭泣之事宋均曰蓋屋之下無入但似蓋屋也有衆星

曰羽林天軍宋均曰天軍之虛危宮故主哭泣也其南有衆星

西爲壘或曰戌旁一大星北落北落若微亡軍星動

角益稀及五星犯北落入軍軍起火金水尤甚火入

軍憂水水患木土軍吉孟康曰木土星則吉也危東六星

兩兩而比曰司寇營室爲清廟曰離宮閣道漢中四

星曰天駟旁一星曰王梁王梁策馬車騎滿野旁有

八星絕漢曰天橫天橫旁江星江星動以人涉水杵

白四星在危南匏瓜有青黑星守之魚鹽貴南斗爲

廟其北建星建星者旗也牽牛爲犧牲其北河鼓河

鼓大星上將左左星星蓋將字右右將婺女其北織

女織女天女孫也

歲星晉灼曰歲行四宿二宿二八十六歲行三宿太歲在四孟

十八宿十二曰東方春木於人五常仁也五事貌也

仁虧貌失逆春令傷木氣罰見歲星歲星所在國不

可伐可以伐人超舍而前為贏退舍為縮贏其國有

兵不復縮其國有憂其將死國傾敗所去失地所之

得地一曰當居不居國亡所之國昌已居之又東西

去之國凶不可舉事用兵安靜中度吉出入不當其

次必有天祲見其舍也歲星贏而東南東行天五星

不歲星晨見東方行疾則石氏見彗星甘氏不出三月

迺生彗本類星末類彗長二丈贏東北石氏見覺星

甘氏不出三月迺生天棊本類星末銳長四尺縮西

南孟康曰歲星當伏西方石氏見彗雲如牛縮西

差之甘氏不出三月迺生天槍左右銳長數丈縮西

北石氏見槍雲如馬甘氏不出三月迺生天機本類

星末銳長數丈石氏槍機格彗異狀其殃一也必有

破國亂君伏死其事餘殃不盡為旱凶饑暴疾至日

行一尺出二十餘日迺入甘氏其國凶不可舉事用

兵出而易所當之國是受其殃又曰秋星不出三年

其下有軍及失地若國君喪○宋祁曰三年

災惑出行列宿司無道出入太微也而曰南方夏火

禮也視也禮虧視失逆夏令傷火氣罰見災惑逆行

一舍二舍為不祥居之三月國有殃五月受兵七月

國半亡地九月地大半亡因○宋祁曰亡與俱出入

國絕祀災惑為亂為賊為疾為喪為饑為兵所居之

宿國受殃殃還至者雖大當小居之久殃乃至者當

小反大已去復還居之若居之而角者若動者繞環

之及乍前乍後乍左乍右殃愈甚一曰災惑出則有

大兵入則兵散周還止息迺為其死喪寇亂在其野

者土地以戰不勝東行疾則兵聚於東方西行疾則

兵聚於西方其南為丈夫喪北為女子喪災惑天子

理也故曰雖有明天子必視災惑所在

太白晉灼曰常以正月甲寅與災惑晨出東方二百

方出入以寅戌以丑未也東曰西方秋金義也言也

義虧言失逆秋令傷金氣罰見太白日方南太白居

其南日方北太白居其北為贏侯王不寧用兵進吉

退凶日方南太白居其北日方北太白居其南為縮

侯王有憂用兵退吉進凶當出不出當入不入為失

舍不有破軍必有死王之墓有亡國一曰天下匿兵

櫓有兵者所當之國大凶當出不出未當入而入天

下匿兵兵在外入未當出而出當入而不入天下起

兵有至破國未當出而出未當入而入天下舉兵所

當之國亡當期而出其國昌出東為東方入為北方

出西為西方入為南方所居久其國利易其鄉凶蘇

戰死入十日復出相死之入又復出人君惡之已出

三日而復微入三日迺復盛出是為禔而伏晉灼曰

微出三日迺復盛入其下國有憂帥師雖眾敵食其

糧用其兵虞其帥出西方失其行夷狄敗出東方失

其行中國敗一曰出蚤為月食晚為天祲及彗星將

發于土道之國太白出而留桑榆間病其下國晉灼曰

病其對國晉灼曰此戌酉之間也太白經天天下草民

與辰合則為北軍用兵舉事大敗填與辰合則將有
覆軍下師與太白合則為疾為內兵辰與太白合則
為變謀為兵憂凡歲熒惑填太白四星與辰合則
戰兵不在外皆為內亂一曰火與水合為涿音灼水
與木合則國饑與水合為雍沮音灼水與金合國土地
日雍填一不可舉事用兵木與金合國有內亂同
舍為合相陵為鬪二星相近者其殃大二星相遠者
殃無傷也從七寸以內必之音昭曰必凡月食五星
其國皆亡李奇曰謂其歲以饑熒惑以亂填以殺太
白彊國以戰辰以女亂月食大角王者惡之凡五星
所聚宿其國王天下從歲以義從熒惑以禮從填以
重韋昭曰謂從太白以兵從辰以法以法者以法致
天下也三星若合是謂驚立絕行晉灼曰有兵喪故
其國外內有兵與喪民人乏饑改立王公四星若合
是謂大湯晉灼曰湯其國兵喪並起君子憂小人流
五星若合是謂易行有德受慶改立王者掩有四方
子孫蕃昌亡德受罰離其國家滅其宗廟晉灼曰宗
百姓離去被滿四方五星皆大其事亦大皆小其事
亦小也

凡五星色皆圓白為喪為旱赤中不平為兵青為憂
為水黑為疾為多死黃吉皆角赤犯我城黃地之爭
白哭泣之聲青有兵憂黑水五星同色天下戢兵百
姓安寧歌舞以行不見災疾五穀蕃昌

凡五星歲緩則不行急則過分逆則占熒惑緩則不
出急則不入違道則占填緩則不建急則過舍逆則

占太白緩則不出急則不入逆則占辰緩則不出急
則不入非時則占五星不失行則年穀豐昌

凡以宿星通下之變者維星散句星信則地動孟康
曰信音申有星守三淵天下大水地動海魚出紀

星散者山崩不即有喪龜鼈星不居漢中川有易者
辰星入五車大水熒惑入積水水兵起入積薪旱兵

起守之亦然極後有四星名曰句星斗杓後有三星
名曰維星散者不相從也孟康曰謂不復三淵蓋五

車之三柱也音灼曰柱音天紀屬貫索積薪在北戌
西北積水在北戌東北

角亢氏沅州房心豫州尾箕幽州斗江湖牽牛婺女
揚州虛危青州營室東壁并州奎婁胃徐州昂畢冀

州觜觿參益州東井與鬼雍州柳七星張三河翼軫
荊州甲乙海外日月不占晉灼曰海外遠甲丙丁江

淮海岱戊己中州河濟庚辛華山以西壬癸常山以
北一曰甲齊乙東夷丙楚丁南夷戊魏己韓庚秦辛

西夷壬燕趙癸北夷子周丑翟寅趙卯鄭辰邯鄲巳
衛午秦未中山申齊西魯戌吳越亥燕代秦之疆候

太白占狼狐吳楚之疆候熒惑占鳥衡燕齊之疆候
辰星占虛危宋鄭之疆候歲星占房心晉之疆亦候

辰星占參罰及秦并吞三晉燕代自河山以南者中
國中國於四海內則在東南為陽陽則日歲星熒惑

填星占於街南畢主之其西北則胡貉月氏旃裘引
弓之民為陰陰則月太白辰星占於街北昂主之故

中國山川東北流其維首在龍蜀尾沒於勃海碣石
是以秦晉好用兵孟康曰秦晉西南維之北為陰復

占太白太白主中國而胡貉數侵掠獨占辰星辰星出入趨疾常主夷狄其大經也

凡五星早出爲贏贏爲客晚出爲縮縮爲主人五星贏縮必有天應見杓

太歲在寅曰攝提格歲星正月晨出東方石氏曰各監德在斗牽牛失次杓旱水晚旱甘氏在建星婺女太初歷在營室東壁

在卯曰單闕二月出石氏曰各降入在婺女虛危甘氏在虛危失次杓有水災太初在奎婁

在辰曰執徐三月出石氏曰各青章在營室東壁失次杓旱水晚水甘氏同太初在胃昂

在巳曰大荒落四月出石氏曰各路踵在奎婁甘氏同太初在參罰

在午曰敦牂五月出石氏曰各啓明在胃昂畢失次杓旱水晚水甘氏同太初在東井輿鬼

在未曰協洽六月出石氏曰各長烈在觜觶參甘氏在參罰太初在注張七星

在申曰涇灘七月出石氏曰各天晉在東井輿鬼甘氏在弧太初在翼軫

在酉曰作詒爾雅作八月出石氏曰各長壬在柳七星張失次杓有女喪民疾甘氏在注張失次杓有火太初在角亢

在戌曰掩茂九月出石氏曰各天睢在翼軫失次杓水甘氏在七星翼太初在氏房心

在亥曰大淵獻十月出石氏曰各天皇在角亢始甘氏在軫角亢太初在尾箕

在子曰困敦十一月出石氏曰各天宗在氏房始甘氏同太初在建星牽牛

在丑曰赤奮若十二月出石氏曰各天皇在尾箕甘氏在心尾太初在婺女虛危甘氏太初歷所以不同者以星贏縮在前各錄後所見也其四星亦略如此

古歷五星之推亡逆行者至甘氏石氏經以熒惑太白爲有逆行夫歷者正行也古人有言曰天下太平

五星循度亡有逆行日不食朔月不食望夏氏日月傳曰日月食盡主位也不盡臣位也星傳曰日者德

也月者刑也故曰日食修德月食修刑然而歷紀推月食與二星之逆亡異熒惑主內亂太白主兵月主

刑自周室衰亂臣賊子師旅數起刑罰失中雖其亡亂臣賊子師旅之變內臣猶不治四夷猶不服兵革

猶不寢刑罰猶不錯故二星與月爲之失度三變常見及有亂臣賊子伏尸流血之兵大變乃出甘石氏

見其常然因以爲紀皆非正行也詩云彼月而食則惟其常此日而食于何不臧詩傳曰月食非常也比

之日食猶常也日食則不臧矣謂之小變可也謂之正行非也故熒惑必行十六舍去日遠而顯忒太白

出西方進在日前氣盛乃逆行及月必食於望亦誅盛也

國皇星大而赤狀類南極所出其下起兵兵彊其衝

不利孟康曰歲星之精散所爲也五星昭明星大而白無角乍上乍下所出國起兵多變孟

五殘星出正東東方之星其狀類辰去地可六丈大

而黃孟康曰星表有青氣

六賊星出正南南方之星去地可六丈大而赤數動

有光孟康曰太白之精芒司詭星出正西西方之星去地可六丈大而白類太

白孟康曰星大而有尾咸漢星出正北北方之星去地可六丈大而赤數動

察之中青孟康曰一星從橫亦填星之精也此四星所

出非其方其下有兵衝不利

四填星出四隅去地可四丈地維藏光亦出四隅去

地可二丈若月始出所見下有亂者亡有德者昌

燭星狀如太白其出也不行見則滅所燭城邑亂孟

如星非星如雲非雲名曰歸邪李奇曰邪音地孟康

星者金之散氣其本曰人孟康曰星石也金星相

衆國吉少則凶漢者亦金散氣其本曰水星多水

少則旱孟康曰漢中星也其大經也

天鼓有音如雷非雷音在地而下及地其所住者兵

發其下

旬始出於北斗旁狀如雄雞其怒青黑色象伏鱉李

枉矢狀類大流星蛇行而倉黑望如有毛目然

長庚廣如一匹布著天此星見起兵

星碌至地則石也如淳曰碌

天曜而見景星孟康曰曜精明也有赤方氣與青方

合黃景星也三星景星者德星也其狀無常常出於有

道之國

日有中道月有九行中道者黃道一曰光道光道北

至東井去北極近南至牽牛去北極遠東至角西至

婁去極中夏至至於東井北近極故暑短立八尺之

表而暑景長尺五寸八分冬至至於牽牛遠極故暑

長立八尺之表而暑景長丈三尺一寸四分春秋分

日至婁角去極中而暑中立八尺之表而暑景長七

尺三寸六分此日去極遠近之差暑景長短之制也

去極遠近難知要以暑景暑景者所以知日之南北

李

用之一決房中道。○宋祁曰朱子文云房字當作決於日之中道也故其後五至月行則以晦朔決之決於日之所行爲中道月五星皆隨之也如此則一決爲中道青赤出陽道白黑出陰道若月失節度而妄行出陽道則旱風出陰道則陰雨凡君行急則日行疾君行緩則日行遲日行不可指而知也故以二至二分之星爲候日東行星西轉冬至昏奎八度中夏至氏十三度中春分柳一度中秋分牽牛三度七分中此其正行也日行疾則星西轉疾事執然也故過中則疾君行急之感也不及中則遲君行緩之象也至月行則以晦朔決之日冬則南夏則北冬至於牽牛夏至於東井日之所行爲中道月五星皆隨之也箕星爲風東北之星也東北地事天位也北陽日月東南起於牽牛故爲天位坤在西故易曰東北喪朋南離於陽爲地統故爲地事也及巽在東南爲風風陽中之陰大臣之象也其星軫也月去中道移而東北入箕若東南入軫則多風西方爲雨雨少陰之位也月失中道移而西入畢則多雨故詩云月離於畢俾滂沱矣言多雨也星傳曰月入畢則將相有以家犯罪者言陰盛也書曰星有好風星有好雨月之從星則以風雨言失中道而東西也故星傳曰月南入牽牛南戒民間疾疫月北入太微出坐北若犯坐則下人謀上一日月爲風雨日爲寒溫冬至日南極暑長南不極則溫爲害夏至日北極暑短北不極則寒爲害故書曰日月之行則有冬有夏也政治變於下日月運於上矣月出房北爲雨爲陰爲亂爲兵出房南爲旱爲天喪水旱至衝而應及五星之變必然之效也

兩軍相當日暈等力均厚長大有勝薄短小亡勝重抱大破亡抱爲和背爲不和爲分離相去直爲自立立兵破軍若曰殺將抱且戴有喜圍在中中勝在外外勝青外赤中以和相去赤外青中以惡相去氣暈先至而後去居軍勝先至先去前有利後有病後至後去前病後利後至先去前後皆病居軍不勝見而去其後發病雖勝亡功見半日以上功大白垂屈短上下銳李奇曰屈或爲屈尾章昭曰有者下大流血日暈制勝近期三十日遠期六十日其食食所不利復生所利不然食盡爲主位以其直及日所躔加日時用名其國凡望雲氣仰而望之三四百里平望在桑榆上千餘里二千里登高而望之下屬地者居三千里雲氣有獸居上者勝自華以南氣下黑上赤嵩高三河之郊氣正赤常山以北氣下黑上青勃碣海岱之間氣皆黑江淮之間氣皆白徒氣白土功氣黃車氣乍高乍下往往而聚騎氣卑而布卒氣搏如淳曰搏專反前卑而後高者疾前方而後高者銳後銳而卑者卻其氣平者其行徐前高後卑者不止而反氣相遇者卑勝高銳勝方氣來卑而循車道者不過三四日去之五六里見氣來高七八尺者不過五六日去之十餘二十里見氣來高丈餘二丈者不過三四十日去之五六十里見氣來高丈餘二丈者其將悍其士怯其大根而前絕遠者戰精白其芒低者戰勝其前赤而印者戰不勝陳雲如立垣杼雲類杼雲雲搏而端銳杓雲如繩者居前竟天其半半天蜺雲者類鬬旗故銳鉤雲句

曲諸此雲見以五色占而澤博密其見動人迺有占
兵必起占鬪其直正朔所候決於日旁日旁雲氣人
主象皆如其形以占故北夷之氣如羣畜穹閭南夷
之氣類舟船幡旗大水處敗軍場破國之虛下有積
泉金寶上皆有氣不可不察海旁蜃氣象樓臺廣壑
氣成宮闕然雲氣各象其山川人民所聚積故候息
耗者入國邑視封置田疇之整治如淳曰秦壘城郭
室屋門戶之潤澤次至車服畜產精華實息者吉虛
耗者凶若煙非煙若雲非雲郁郁紛紛蕭索輪囷是
謂慶雲慶雲見喜氣也若霧非霧衣冠不濡見則其
城被甲而趨夫雷電輟重辟歷夜明者陽氣之動者
也春夏則發秋冬則藏故候書者亡不司天開縣物
也孟康曰謂天裂而見地動圻絕山崩及阨川塞谿壅
物象也天開示縣象地動圻絕山崩及阨川塞谿壅
如淳曰城壅塞不通也水澹地長澤竭見象城郭門
閭潤息枯槁宮廟廊第人民所次嘗俗車服觀民飲
食五穀草木觀其所屬倉府廩庫四通之路六畜禽
獸所產去就魚鼈鳥鼠觀其所處鬼哭若譁與人逢
遇訛言誠然

凡候歲美惡謹候歲始歲始或冬至日產氣始萌臘
明日人衆卒歲壹會飲食發陽氣故曰初歲正月日
王者歲首立春四時之始也四始者候之日而漢魏
鮮集臘明正月旦決八風孟康曰魏鮮人風從南大
旱西南小旱西方有兵西北戎叔爲孟康曰成叔朝
小雨趣兵北方爲中歲東北爲上歲東方大水東南
民有疾疫歲惡故八風各與其衝對課多者爲勝多
勝少久勝亟疾勝徐且至食爲麥食至日映爲稷映

至晡爲黍晡至下晡爲叔下晡至日入爲麻欲終日
有雲有風有日當其時深而多實亡雲有風日當其
時淺而少實有雲風亡日當其時深而少實有日亡
雲不風當其時者稼有敗如食頃小敗孰五斗米頃
大敗風復起有雲其稼復起各以其時用雲色占種
所宜雨雪寒歲惡是日光明聽都邑人民之聲聲宮
則歲美吉商有兵徵旱羽水角歲惡或從正月旦比
數雨率日食一升至七升而極孟康曰正月一日雨
此至七月已來驗也如過之不占數至十二日直其
月占水旱孟康曰水旱爲其環域千里內占卽爲天
下候竟正月孟康曰正月水旱爲其環域千里內占卽爲天
日風雲占其國然必察太歲所在金穰水毀木饑火
旱此其大經也正月上甲風從東方來宜蠶從西方
來若旦有黃雲惡冬至短極縣土炭孟康曰先炭至
衡兩端輕重適均冬至而陽氣至則炭重夏至陰氣
至則土重黃雲通土炭輕而衡仰夏至陰氣應炭動麋
鹿解角蘭根出泉水踊略以知日至要決晷景
夫天運三十歲一小變百年中變五百年大變三大
變一紀三紀而大備此其大數也春秋二百四十二
年間日食三十六彗星三見夜常星不見夜中星隕
如雨者各一當是時禍亂輒應周室微弱上下交怨
殺君三十六亡國五十二諸侯奔走不得保其社稷
者不可勝數自是之後衆暴寡大并小秦楚吳粵夷
狄也爲疆伯田氏篡齊三家分晉並爲戰國爭於攻
取兵革遞起城邑數屠因以饑饉疾疫愁苦臣主共
憂患其察機祥候星氣尤急如淳曰呂氏春秋荆人

之祠祀也近世十二諸侯七國相王言從橫者繼踵而占天文者因時務論書傳故其占驗鱗雜米鹽亡可錄者周卒爲秦所滅始皇之時十五年間彗星四見久者八十日長或竟天後秦遂以兵內兼六國外攘四夷死人如亂麻又熒惑守心及天市芒角色赤如雞血始皇既死適庶相殺二世卽位殘骨肉戮將相太白再經天因以張楚並興兵相踰籍音林臺秦遂以亡項羽救鉅鹿枉矢西流枉矢所觸天下之所伐射滅亡象也物莫直於矢今蛇行不能直而枉者執矢者亦不正以象項羽執政亂也羽遂合從阮秦人屠咸陽凡枉矢之流以亂伐亂也

漢元年十月五星聚于東井以歷推之從歲星也奇李曰歲星得其正度其四星隨比常正行故曰從也孟康曰歲星先至先至爲主也○劉敞曰按歷太白辰非理然則五星以秦之十月聚東井耳秦之十月今七月辰星得從歲星也故太此高皇帝受命之符也故客謂張耳曰東井秦地漢王入秦五星從歲星聚當以義取天下秦王子嬰降於枳道漢王以屬吏寶器婦女亡所取閉宮封門還軍次於霸上以候諸侯與秦民約法三章民亡不歸心者可謂能行義矣天之所予也五年遂定天下卽帝位此明歲星之崇義東井爲秦之地明效也

三年秋太白出西方有光幾中晉灼曰幾中乍北乍南過期迺入辰星出四孟四孟爲易主之象也仲出是時項羽爲楚王而漢已定三秦與相距滎陽太白出西方有光幾中是秦地戰將勝而漢國將興也辰星出四孟易主之表也後二年漢滅楚

七年月暈圍參畢七重占曰畢昴間天街也街北胡也街南中國也昴爲匈奴參爲趙畢爲邊兵是歲高皇帝自將兵擊匈奴至平城爲冒頓單于所圍七日迺解

十二年春熒惑守心李奇曰心四月宮車晏駕應天初崩晨起早作而方崩殞故稱晏駕云韋昭曰凡初崩爲晏駕者臣子之心猶謂宮車當駕而出耳

孝惠二年天開東北廣十餘丈長二十餘丈地動陰有餘天裂陽不足皆下盛彊將害上之變也其後有呂氏之亂

孝文後二年正月壬寅天欖夕出西南孟康曰歲占曰爲兵喪亂其六年十一月匈奴入上郡雲中漢起三軍以衛京師其四月乙巳水木火三合於東井占曰外內有兵與喪改立王公東井秦也八月天狗下梁墜是歲誅反者周殷長安市其七年六月文帝崩其十一月戊戌土水合於危占曰爲雍沮所當之國不可舉事用兵必受其殃一曰將覆軍危齊也其七月火東行行畢陽環畢東北出而西逆行至昴卽南迺東行占曰爲喪死寇亂畢昴趙也

孝景元年正月癸酉金水合於婺女占曰爲變謀爲兵憂婺女粵也又爲齊其七月乙丑金木水三合於張占曰外內有兵與喪改立王公張周地今之河南也又爲楚其二年七月丙子火與水晨出東方因守斗占曰其國絕祀至其十二月水火合於斗占曰爲卒不可舉事用兵必受其殃一曰爲北軍用兵舉事大敗斗吳也又爲粵是歲彗星出西南其三月立六皇子爲王王淮陽汝南河間臨江長沙廣川其三年

吳楚膠西膠東淄川濟南趙七國反吳楚兵先至攻梁膠西膠東淄川三國攻圍齊漢遣大將軍周亞夫等戍止河南以候吳楚之敝遂敗之吳王亡走粵粵攻而殺之平陽侯敗三國之師于齊咸伏其辜齊王自殺漢兵以水攻趙城城壞王自殺六月立皇子二人楚元王子一人爲王王膠西中山楚徙濟北爲淄川王淮陽爲魯王汝南爲江都王七月兵罷天狗下占爲破軍殺將狗又守禦類也天狗所降以戒守禦吳楚攻梁梁堅城守遂伏尸流血其下三年填星在婁幾入還居奎奎魯也占曰其國得地爲得填是歲魯爲國

四年七月癸未火入東井行陰又以九月己未入輿鬼戊寅出占曰爲誅罰又爲火災後二年有栗氏事其後未央東闕災

中元年填星當在觜觿參去居東井占曰亡地不遇有女憂其三年正月丁亥金木合於觜觿爲白衣之會三月丁酉彗星夜見西北色白長丈在觜觿旦去益小十五日不見占曰必有破國亂君伏死其辜觜觿梁也其五月甲午金木俱在東井戊戌金去木留守之二十日占曰傷成於戌木爲諸侯誅將行於諸侯也其六月壬戌蓬星見西南在房南去房可二丈大如二斗器色白癸亥在心東北可長丈所甲子在尾北可六丈丁卯在箕北近漢稍小旦去時大如桃壬申去凡十日占曰蓬星出必有亂臣房心間天子宮也是時梁王欲爲漢嗣使人殺漢爭臣袁盎漢按誅梁大臣斧戌用梁王恐懼布車入關伏斧戌謝罪

然後得免

中三年十一月庚午夕金火合於虛相去一寸占曰爲鑠爲喪虛齊也

四年四月丙申金木合於東井占曰爲白衣之會并秦也其五年四月乙巳水火合於參占曰國不吉參梁也其六年四月梁孝王死五月成陽王濟陰王死

六月成陽公主死出入三月天子四衣白臨邸第後元年五月壬午火金合於輿鬼之東北不至柳出輿鬼北可五寸占曰爲鑠有喪輿鬼秦也丙戌地大

動鈴鈴然民大疫死棺貴至秋止孝武建元三年三月有星孛于注張歷太微干紫宮至于天漢春秋星孛于北斗齊魯晉之君皆將死亂

今星孛歷五宿其後濟東膠西江都王皆坐法削黜自殺淮陽衡山謀反而誅

三年四月有星孛于天紀至織女占曰織女有女變天紀爲地震至四年十月而地動其後陳皇后廢

六年熒惑守輿鬼占曰爲火變有喪是歲高園有火災寶太后崩

元光元年六月客星見于房占曰爲兵起其二年十一月單于將十萬騎入武州漢遣兵三十餘萬以待之

元光中天星盡搖上以問候星者對曰星搖者民勞也後伐四夷百姓勞于兵革

元鼎五年太白入于天苑占曰將以馬起兵也一曰馬將以軍而死耗其後以天馬故誅大宛馬大死於軍

元鼎中熒惑守南斗占曰熒惑所守為亂賊喪兵守之久其國絕祀南斗越分也其後越相呂嘉殺其王及太后漢兵誅之滅其國

元封中星孛于河戌占曰南戌為越門北戌為胡門其後漢兵擊拔朝鮮以為樂浪玄菟郡朝鮮在海中越之象也居北方胡之域也

太初中星孛于招搖星傳曰客星守招搖蠻夷有亂民死君其後漢兵擊大宛斬其王招搖遠夷之分也孝昭始元中漢宦者梁成恢及燕王候星者吳莫如見蓬星出西方天市東門行過河鼓入營室中恢曰蓬星出六十日不出三年下有亂臣戮死於市後太白出西方下行一舍復上行二舍而下去太白主兵上復下將有戮死者後太白出東方入咸池東下入東井人臣不忠有謀上者後太白入太微西藩第一

星北出東藩第一星北東下去太微者天庭也太白行其中宮門當閉大將被甲兵邪臣伏誅熒惑在婁逆行至奎法曰當有兵後太白入昴莫如曰蓬星出西方當有大臣戮死者太白星入東井太微庭出東門漢有死將後熒惑出東方守太白兵當起主人不勝後流星下燕萬載宮極東去

李奇曰極星梁曰三棟也三輔間名棟為極尋棟東法曰國恐有誅其後去也延篤謂之堂前闢也

左將軍桀驃騎將軍安與長公主燕刺王謀作亂咸伏其辜兵誅烏桓

元鳳四年九月客星在紫宮中斗樞極間占曰為兵其五年六月發三輔郡國少年詣北軍五年四月燭星見奎婁間占曰有土功胡人死邊城和其六年正

月築遼東玄菟城二月度遼將軍范明友擊烏桓還元平元年正月庚子日出時有黑雲狀如炎風亂鬣

轉出西北東南行轉而西有頃亡占曰有雲如衆風是謂風師法有大兵其後兵起烏孫五將征匈奴二月甲申晨有大星如月有衆星隨而西行乙酉祥雲如狗赤色長尾三枚夾漢西行大星如月大臣之象衆星隨之衆皆隨從也天文以東行為順西行為逆此大臣欲行權以安社稷占曰太白散為天狗為卒起卒起見禍無時臣運柄祥雲為亂君到其四月昌邑王賀行淫辟立二十七日大將軍霍光白皇太后廢賀

三月丙戌流星出翼軫東北干太微入紫宮始出小旦入大有光入有頃聲如雷三鳴止占曰流星入紫宮天下大凶其四月癸未宮車晏駕

孝宣本始元年四月壬戌甲夜辰星與參出西方其二年七月辛亥夕辰星與翼出皆為蚤占曰大臣誅其後熒惑守房之鉤鈐鉤鈐天子之御也言房為天上

日鈐其陰右驂旁有二星占曰不太僕則奉車不黜即死也房心天子宮也房為將相心為子屬也其地宋今楚彭城也四年七月甲辰辰星在翼月犯之

翼下當占曰兵起上卿死將相也是日熒惑入輿鬼地節元年正月戊午乙夜月食熒惑

孟康曰凡星入食月月食星熒惑在角亢占曰憂在宮中非賊而盜也有內亂讒臣在旁其辛酉熒惑入氐中氐天子之宮熒惑入之有賊臣其六月戊戌甲夜客星又居

左右角間東南指長可二尺色白占曰有姦人在宮廷間其丙寅又有客星見貫索東北南行至七月癸酉夜入天市芒炎東南指其色白占曰有戮卿一曰有戮王期皆一年遠二年是時楚王延壽謀逆自殺四年故大將軍霍光夫人顯將軍霍禹范明友奉車霍山及諸昆弟賓婚為侍中諸曹九卿郡守皆謀反咸伏其辜

黃龍元年三月客星居王梁東北可九尺長丈餘西指出閣道間至紫宮其十二月宮車晏駕

元帝初元元年四月客星大如瓜色青白在南斗第二星東可四尺占曰為水饑其五月勃海水大溢六月關東大饑民多餓死琅邪郡人相食

二年五月客星見昴分居卷舌東可五尺青白色炎長三寸占曰天下有妄言者其十二月鉅鹿都尉謝君男詐為神人論死父免官孟康曰姓謝名直言男者

五年四月彗星出西北赤黃色長八尺所後數日長丈餘東北指在參分後二歲餘西羌反

孝成建始元年九月戊子有流星出文昌色白光燭地長可四丈大一圍動搖如龍蛇行有頃長可五六丈大四圍所詘折委曲貫紫宮西在斗西北子亥間

後詘如環北方不合留一刻所占曰文昌為上將貴相是時帝舅王鳳為大將軍其後宣帝舅子王商為丞相皆貴重任政鳳妬商譖而罷之商自殺親屬皆廢黜

四年七月熒惑踰歲星居其東北半寸所如連李時

歲星在關星西四尺所熒惑初從畢口大星東東北往數日至往疾去遲占曰熒惑與歲星鬪有病君饑歲至河平元年三月旱傷麥民食榆皮二年十二月壬申太皇太后避時昆明東觀修昆陽曰食貨志武帝在初元二年太后避時乃河平二年云病何也或說

四年十一月乙卯月食填星星不見時在與鬼西北八九尺所占曰月食填星流民千里河平元年三月流民入函谷關

河平二年十月下旬填星在東井軒轅南端大星尺餘歲星在其西北尺所熒惑在其西北二尺所皆從西方來填星貫輿鬼先到歲星次熒惑亦貫輿鬼十一月上旬歲星熒惑西去填星皆西北逆行占曰三星若合是謂驚位是謂絕行外內有兵與喪改立王

公其十一月丁巳夜郎王歆大逆不道牂牁太守立捕殺歆三年九月甲戌東郡莊平男子侯母辟兄弟五人羣黨為盜莊平乃在攻燔官寺縛縣長吏盜取印綬自稱將軍三月辛卯左將軍千秋卒右將軍史丹為左將軍四年四月戊申梁王賀薨

陽朔元年七月壬子月犯心星占曰其國有憂若有大喪房心為宋今楚地十一月辛未楚王友薨

四年閏月庚午飛星大如缶出西南入斗下占曰漢使匈奴明年鴻嘉元年正月匈奴單于雕陶莫臯死五月甲午遣中郎將楊興使弔

永始二年二月癸未夜東方有赤色大三四圍長二三丈索索如樹南方有大四五圍下當有氣或色字

也。脫下行十餘丈，皆不至地，滅。占曰：東方客之變氣，狀如樹木，以此知四方欲動者。明年十二月己卯，尉氏男子樊並等謀反，賊殺陳留太守嚴普及吏民，出囚徒，取庫兵，劫略令丞自稱將軍，皆誅死。庚子，山陽鐵官亡徒蘇令等殺傷吏民，篡出囚徒，取庫兵，聚黨數百人，爲大賊踰年，經歷郡國四十餘，一日有兩氣同時起，並見而並滅，令等同月俱發也。

元延元年四月丁酉，日銷時，天暝晏，殷殷如雷聲，有流星，頭大如缶，長十餘丈，皎然赤白色，從日下東南去，四面或大如盂，或如雞子，耀耀如雨下，至昏止。郡國皆言星隕，春秋星隕如雨，爲王者失執，諸侯起伯之異也。其後王莽遂顓國柄，王氏之興萌於成帝時，是以有星隕之變。後莽遂篡國。

綏和元年正月辛未，有流星從東南入北斗，長數十丈，二刻所息，占曰：大臣有繫者。其年十一月庚子，定陵侯淳于長坐執左道，下獄死。

二年春，熒惑守心。二月乙丑，丞相翟方進欲塞災異，自殺。三月丙戌，宮車晏駕。

哀帝建平元年正月丁未，日出時，有著天白氣，廣如一匹布，長十餘丈，西南行，謹如雷，西南行一刻而止，名曰天狗。傳曰：言之不從，則有犬禍。詩妖到其四年正月二月三月，民相驚動，謹譁奔走，傳行詔，籌祠西王母。又曰：從目人當來。十二月，白氣出西南，從地上至天，出參下，貫天厠，廣如一疋布，長十餘丈，十餘日去。占曰：天子有陰病。其三年十一月壬子，太皇太后詔曰：皇帝寬仁孝順，奉承聖緒，靡有解怠，而久病未

瘳，夙夜惟思，殆繼體之君，不宜改作。春秋大復古，其復甘泉泰畤，汾陰后土如故。

二年二月，彗星出牽牛，七十餘日。傳曰：彗所以除舊布新也。牽牛，日月五星所從起，歷數之元，三正之始，彗而出之，改更之象也。其出久者，爲其事大也。其六月甲子，夏賀良等建言，當改元易號，增漏刻，詔書改建平二年，爲太初元年，號曰陳聖。劉太平皇帝刻漏以百二十爲度。八月丁巳，悉復蠲除之，賀良及黨與皆伏誅，流放。其後卒有王莽篡國之禍。元壽元年十一月，歲星入太微，逆行干右執法，占曰：大臣有憂執法者誅。若有罪，二年十月戊寅，高安侯董賢免大司馬位，歸第自殺。

前漢書卷二十六

前漢書卷二十六考證

天文志經星常宿中外官云云○臣召南按後志曰孝明帝使班固敘漢書而馬續述天文志此志馬續所撰也故晉志引此文直曰馬續云

暈適背穴注孟康曰暈日旁氣也○暈監本訛背從宋本改

中宮天極星○監本接連前文自然之符也非是今另提行

環之匡衡十二星藩臣皆曰紫宮○臣召南按此與史記天官書同但紫宮匡衡實十五星西藩七東藩八與太微垣十二星不同晉志可證此與史記並曰十二星何也

後十七星絕漢抵營室曰閣道○臣召南按此志於

經星俱直用天官書閣道星數天官書云六星是也何以言十七星乎晉志亦作六星疑十七二字係傳寫之訛

後聚十五星曰哀鳥郎位○晉志作依鳥郎府廷藩西有隨星四曰少微○臣召南按天官書作隨星注隋音他果反此志宋本監本並作隨星蓋誤

東井西曲星曰戊○臣召南按戊字係戊字之訛戊即古鉞字天官書曰其西曲星曰鉞又曰鉞北北

河南南河又曰傷成鉞其文甚明晉志鉞一星附井之前主伺淫奢而斬之即解字義此志宋本別本並作戊字非也存說于此

旁一星曰王良○天官書作王良晉志亦作王良此作梁誤

曰天橫○橫天官書作橫

歲星○凌彗隆曰自此以下與史記有異同

太白注晉灼曰出以寅戌入以丑未也○按寅戌當作辰戌

戊己中州河濟○戊訛戌今改正

如星非星○臣永祚按監本連接上文非也今另提行又星者金之散氣旬始出于北方天曜而現景星日有中道皆自為一段監本並連接寫今俱提

行

凡候歲美惡○臣永祚按凡望雲氣凡候歲美惡皆自為一段不連接監本誤也今於每段俱另提

十二月白氣出西南○監本于十二月上衍建平元年四字從宋本刪去

前漢書卷二十六考證

